


大日本史



番外書冊


和書門			
三三六	二七	一三	五三
號	函	架	冊


內閣文庫			
三三六	五三	一三	五三
號	冊	架	函

五十一

內閣文庫	
番號	和 13216
冊數	53(47)
函號	138 102

自一百六十六至一百七十六





大日本史卷一百六十六

淺草文庫

列傳第九十三

權中納言從三位源光圀 修

男權中納言從三位細條 校

源頭家

源忠顯

源頭家準三宮親房之長子元弘元年歲甫十

四任參議兼左近衛中將三年兼彈正大弼尋

詔為陸奥守奉義良親王出鎮陸奥出羽親房

輔之頭家固辭不許親書旗銘賜之及戎器數

具時縉紳之任事久廢缺及頭家出乃悉誓循

古儀帝於御前賜衣馬遣之公卿補任北畠系

弘日記裏書梅居二月西州惠服神皇正統記元

書建武元年以功叙後二位二年兼鎮守府將

軍補任系圖神皇正統記按延元元年詔奉義

良親王與新田義貞俱攻足利尊氏于鎌倉頭

家集兵國內應者甚少乃率見兵轉戰而前城

書太平記進抵鎌倉尊氏既已西上是時東北諸將

新田義興千葉貞胤宇都宮公綱等兵來厲兵

凡五萬頭家尾尊氏晝夜兼行至近江使大館

幸氏攻取觀音寺城殺五百餘人帝遣船七百

隻迎頭家泛湖以至延曆寺神皇正統記元弘

記梅松論與新田義貞攻園城寺克之遂與諸

將分道攻京師頭家以三萬人自栗田口放火

而進足利尊氏望之曰北畠殿來此吾自當之

耳率數萬人與戰數合解而並息義貞因縱兵

突擊尊氏敗走追至豐島河原頭家督衆先登

諸將繼進大敗之尊氏走筑紫頭家與義貞振

旅旋京師元弘日記裏書太平記兼右衛門督檢非違使

別當時足利尊氏黨類四方蜂起於是拜頭家

權中納言再奉義良親王復如陸奥補任系圖神皇正統

記元弘日記裏書按保曆間記云歟攻斬相馬

胤頭于法華堂相馬胤干相馬家傳上書

請曰陸奥國當邊境之至要備蝦夷之不虞弘

仁三年持下勅符建鎮守府擇王師之器授將

軍之號秩從五位上階本國如鄰州牧宰率兼

任之臣今官昇八座位至二品依別勅舊本例

以切兼鎮守府恩寵誠重雖然位高而官卑恐

違先格願今復三位以上任此職者加大字以

為永格同時制誼歷代之通規親王任刺史持

號太守蓋此類也伏望天裁制可為鎮守府大

將軍建武記職原抄二年陸奥將士多應足利尊氏攻

頭家頭家戰不利奉義良親王保靈山城元弘

裏書保曆間記太平記按保曆間記頭家尋發結

家戰敗棄靈山城走宇都宮今不取也城宗廣及伊達信夫南部下山氏等兵六千出

陣白川閔兵士來屬幾十萬進至下野足利義
詮發兵拒利根川會霖雨水漲頭家部下長井
實永等豐後次郎等亂涼而進萬眾隨涉水為
之激溢西岸歎溺死無數大潰而走
元弘日記 裏書太平

記頭家入武藏府駐五日宇都宮公綱來屬頭
家遣兵攻芳賀禪可降之與北條時行新田義
興共攻鎌倉走義詮三年率兵赴京師士卒侵
掠恣暴所過焚蕩比至尾張藤原昌能掘口負
滿引兵來會兵勢彌張鎌倉及緣道敵軍發兵

尾之頭家駐陣青野原與桃井直常土岐賴遠
戰大敗之諾將番戰皆克
太平記 難 相持月餘

足利尊氏將高師泰率兵來陣黑地川頭
家不能進轉道伊勢赴吉野
神皇正統記 元弘
平記 太平記 遂至南都謀復京師未發足利

之
元弘日記 裏書 難 太平記
尊氏遣兵來攻頭家敗走河内義良親王還歸

吉野
元弘日記 裏書 太平記
頭家聚敗卒出陣安倍野使
第頭信據男山高師直率精兵來襲頭家戰敗

以二十餘騎衝圍而出中流矢薨年二十一補

系圖神皇正統紀元弘日贈從一位右大臣閔

記裏書保曆間記太平記二子曰顯成曰親成系圖

書高野實勝院所藏親房自筆願文系圖按系圖

城文書四家合攷云顯家有二女源忠顯內大臣有房之孫而權中納言有忠之

子也家稱六條或千種源氏系圖年壯喜騎射

以博賭淫飲為事有忠絕不為子太平記仕歷藏

人頭左近衛中將彈正大弼拜參議公卿補任

記後醍醐帝潛幸笠置忠顯扈之及笠置陷被

虜帝御六波羅南方北條仲時北條時益持放

忠顯與中納言藤原藤房給侍遂與藏人頭藤

原行房宮女從三位藤原氏大納言典侍小宰

相二女姓從帝適隱岐帝御綱代車發京師士

女縱觀填巷攀望悲泣公言干路曰武人乃爾

肆廢遷天子運豈得永護持佐佐木高氏嘗於

帝幸石清水時防定淀橋帝行為歌賜之曰志

流倍復流美知古曾安羅須奈利奴斗毛與斗

能和多利和和復禮志毛世志高氏伏泣不能

起久之至鳥羽竹車更御肩輿於道亭館陋溢

軍士或親覩面帝又為歌曰安波禮斗波奈禮

毛美流羅車和加多美遠於毛布古古呂波以

麻毛加波羅須然所以供御衛送禮有加於後

鳥羽帝之西遷焉增鏡太平記自出雲三尾湊

御舟至隱岐府焉御國分寺明年官軍所在並

起隱岐守護佐佐木清高日夜巡警行在以防

非常按伯耆卷云時北條高時然衛士多竊通

意者中門衛士佐佐木義綱奉密旨往出雲招

集兵士為鹽治高負所拘帝遲之數日不至乃

與忠顯謀託以三位房產期在近移就外舍乘

舟而出道行輿步行獨忠顯後焉增鏡扣路傍民

家問千波港主人熟視帝對曰港忒此五十町

許路多岐易迷請為鄉導負帝到港諭請舟師

載之舟師亦謂帝非恆人曰今日得操此舟是

鄙人生涯之榮敢請所向忠顯察其言誠曰此

乃天下之主十善之君矣急得届出雲伯耆之

地事成賞以邑土舟師喜感揭帆疾馳佐佐木

清高矣舸追及忠顯望之驚愕不知所為帝謂

舟師曰勿怖第壅釣梅松論舟師乃匿帝及忠顯

舸底覆以薨魚使挖工水手列立其上而身坐

釣追兵上御舸徧索舟師徐問公等何索曰先

帝逃出隱岐必在海中梅松論太平記舟師詔

曰今夜子刻有舸出港一人冠一人烏帽子京

上臈也今可行五六里乃遙指曰舸猶在彼太平

又追至駛如飛會風息所御舸浮漸不得進帝

投佛舍利于海默禱朕有何護所困至此朕再

臨御國家者天請壅擁護不然雖生何為太平

有以下據異本太平記俄而風兮吹歛舸西御舸東經出

雲鏡伯卷增到伯耆名和港漂蕩四日羸困

危恐極矣源蕩以下忠顯登岸問路人曰此間

亦有知名武人耶梅松論云舟人教而路人答

以名和長年忠顯直造長年所居宣旨委託長

年即發兵奉帝幸舸上山軍勢大震車駕還京

命訪向者御導之民不知所在云增鏡太平記

命訪向者御導之民不知所在云增鏡太平記

命訪向者御導之民不知所在云增鏡太平記

命訪向者御導之民不知所在云增鏡太平記

命訪向者御導之民不知所在云增鏡太平記

梅松論伯卷按異本太平記曰忠顯與帝侍
女通有孕帝託其移就外舍以出謂忠顯曰
生若男必為汝嗣及晚果男後以繼家梅松
曰佐佐木義綱奉帝及忠顯往于伯卷梅松
曰帝用忠顯謀與載三位局在後以外三位
出門者誰何忠顯答有姓局在後以外三位
之門者揭與簾見三位局在後以外三位
海忠顯義綱及成田小三席在後以外三位
到出雲野波浦遣人詢地頭以投託之意地
辭以勢窮不足相客願速幸他所招集兵士
亦赴那和莊會帝去此東行二日程然風潮
恐致阻滯乃御前帝怪之任其所之馬返至
衆之馬不肯前帝怪之任其所之馬返至
處乃復御船則佐木清高兵奄至以無船不
得追次日到杵築浦杵築社司發舸追之撤
疾掉急馳那免云而義網金吾為所虜次日
片見又問那和庄有釣人答已過五里許命轉

地西智帝與忠顯匿身船底蔽以薨魚清高
舸追至忠顯命撤師直前故掠歛舸而過歛
覺遂到那和遣小三席往說長年託人以勤
三節既至長年所居未請而直入家人怪愕
之詰問小三席曰事復面陳乃得見長年宣
上旨長年奉詔畢食小三席以乾餼小三席
喜且懼強而咽文以示不怯也長年遂奉駕
舸上山諾書所記異同如此今據太平記旁須
用採赤松則村攻北條仲時北條時益六波羅
利忠顯奉命將兵往俱經畧京師路收降兵幾
得三萬太平記作二十萬餘但馬守護大田守
延奉恒良親王舉兵至丹波篠村適與忠顯會
忠顯因奉恒良進陣西山峯堂時僧良忠陣于

男山赤松則村于山崎忠顯意恃眾欲專功孤軍進入京師令軍士綴帛鎧袖書風字以為號與六波羅兵戰不利守延死之忠顯引軍還峯堂議欲退次兒島高德苦留之曰我請扼七條橋以虞賊夜襲率兵而出忠顯怯懼即夜奉恒良奔男山尋足利尊氏自内野赤松則村自東寺忠顯自竹田入戰京師大克進圍六波羅忠顯令曰宣光子釵破賊未還援急攻破之軍士連車教百兩徹屋材山積車上推至城門下火

之以燔門樓北條仲時時益遂挾光嚴院東奔

太平記 忠顯得神鏡于北山莊奉安禁中 皇年代畧記

車駕歸闕忠顯率從兵五百前驅以虞非常以

功賜三大國及邑數十處為食邑 太平記按本

國名今不可考 寵渥無比忠顯自是奢侈無度令家臣

畜設盛饌率所厩數百人就酣宴又作大厩畜

馬數十匹醉每着錦袴虎皮行膝聯騎遊獵 太平

記 足利尊氏之犯闕忠顯與結城親光名和長

年防勢多 梅松論 延元元年削髮 補任 尋與少將藤

原雅忠拒足利尊氏西坂戰死系因太四子具

顯長忠忠方顯經系顯經少納言少將左不詳正

平七年諸將攻京師顯經以兵五百自丹波路

入戰圍太曆尋任權大納言新葉子雅光後三

位權中納言雅光子光清系

大日本史卷一百六十六終

大日本史卷一百六十七

列傳第九十四

權中納言從三位源光圀修

男權中納言從三位細條校

藤原為冬

藤原光繼

藤原雅忠

藤原定房

藤原師基

藤原康長

藤原行房 子行實

源定平 子定清

藤原清忠

藤原為冬權大納言為世之子任左近衛中將足利尊氏之友從中務卿尊良親王東征尊良兵敗於竹下退奔佐野原敵軍來追為冬戰而死之尊氏素與為冬有舊特哀惜焉

尊早分派藤原系圖太平記梅松論子長為重後小松帝時至

後二位權中納言善倭歌初後光嚴院命藤

原為明撰新後拾遺集未成而為明死為重

續成之後為盜所殺公卿補任系圖倭漢合符拾芥抄次為

胤左近衛少將次僧覺專系圖

藤原光繼參議光泰之子尊早分派藤原系圖或云光泰之孫

家號堀河正中元弘間歷藏人頭宮內卿任

參議叙從三位車駕幸隱岐光繼出事光嚴

院轉正駕還降為從公卿補任系圖建武元年復遷

正二年為信濃國司足利尊氏反忠房親王

自東山道往征光繼以兵二千會之攻拔大井城明年後駕至延曆寺與諾將討足利尊氏於京師走之尋任權中納言信濃國司如故車駕再幸延曆寺光繼扈焉及帝還京師奔匿河內延元三年後鎮守府大將軍源顯家戰死南都補任太平記子光季右系圖藤原雅忠雅或作正不詳其系家號坊門任近衛少將左右不詳元弘之役與赤松則村以鄉兵數百人屯岩藏以備足利尊氏遂與僧良忠等

進討六波羅延元中後駕幸延曆寺與中務卿尊良親王禦敵於四坂死之太平記藤原定房權大納言經長子也家號吉田定房建治德治間歷參議右衛門督檢非違使別當任權中納言至正二位元亨二年遷權大納言公卿補任尊卑圖後醍醐帝之在藩邸也定房傳之以故寵待持厚嘗避方忌其第特恩授從一位定房家自先世子第出身未有任近衛司者帝特授其子宗房近衛少將

補任增鏡 帝西狩北條高時免定房仕光嚴

院異本太 駕還任内大臣兼民部卿明年辭内大

臣補任 延元元年足利尊氏及犯京師車駕

倉皇幸延曆寺定房馳入宮中收歷代寶蓋

追至行在尊氏再來犯復從至延曆寺尋從

還在京師太平 明年光明院奔其民部卿乃

出奔吉野踰年而薨補 定房自其父經長諳

練朝典所著書號吉續記始後深州帝龜山

帝皆後嵯峨上皇皇子相踵登祚而上皇以

愛念龜山帝時甚欲使其後永承皇統也及

後宇多帝生輒立為東宮而後深州帝自遜

位之日別給長講堂領為其奉邑蓋欲異時

以之仍封其子孫也及崩遺詔大宮院及北


條時賴曰謹勿易朕所命已而時賴子時宗

兼後深州帝意援立伏見帝為後宇多帝東

宮伏見帝立十二年時宗子貞時又援立其

皇子後伏見帝於是後宇多上皇遣定房于

鎌倉以違先皇詔讓貞時不得已立上皇皇



子後二條帝因策定後深州龜山二宗迭立
限以十年後二條帝崩貞時執前議立後伏
見帝皇弟花園帝而儲宮未定或議宜立後
二條帝子邦良龜山上皇推愛皇孫欲其受
禪與後宇多上皇謀復遣定房諭貞時於是
後醍醐帝繼花園帝而立龜山上皇又憐邦
良幼孤命為後醍醐帝東宮而帝意欲立皇
子尊良每與邦良不相善會兩上皇相繼昇
遐帝遽欲廢之貞時子高時不可而止無幾

邦良薨帝復欲立皇子護良而高時更立後
伏見帝皇子量仁帝怒以為人臣與議皇統
在古未之聞况先朝遺詔儼如懸鏡乎然屢
違之其如天譴何乃復遣定房詔高時曰朝
廷每有禪代紛紜往復無有窮已而終不厭
天意且後深州帝嗣自有長講堂領雖登祚
之日猶併保之以增極其富有龜山帝繼潛
龍無復有奉邑甚無謂也欲必執十年迭立
之議莫若其在位十年間以長講堂領附吾

宗也高時遂不奉命天下竟大亂吉續記神

太平記異本太平記梅松論定房二子長宗房為中納言

後村上帝圖復京師過任吉社使侍臣獻幣

馬於神適祠前松無故而折宗房奏曰妖不

勝德何畏之有伊達有雅聞歎曰昔者殷帝

修德故能禳彙穀之妖今未知有何德以勝之

以吾觀之車駕必不得入京師也已而至男山不

利而還果如有雅言太平記宗房官終大納言新葉

集次守房至後一位大納言定房常養弟資

房為子官至參議補任

藤原師基太政大臣兼基之子家號二條早尊

分脈藤原系正和文保間歷參議右近衛中

將公卿任權大納言叙正二位元弘三年授

太宰權帥往討筑紫探題北條英時未發會

英時伏誅而止分脈系圖延元元年足利尊

氏兵犯京師救師基陣於峯堂拒之不克太平

記尋兼兵部卿補任尊氏之再犯京師師基從

幸延曆寺太平記異因奉敕如北國調得兵

三千餘還足時官軍新敗倚師基兵氣勢大
振於是左近衛中將新田義貞自内野師基
與千葉貞胤宇都宮公綱等自河原進攻京
師大戰紂杜斬殺頗多遂為赤松則祐所敗
而退及駕還京師基奔匿河内太平記異後
至吉野任左大臣進後一位補足利直義之
迭降師基議宣客其請帝從之太平記正平六
年拜関白補任分版八年官軍復京師勅遣師
基與藤原公賢參決還幸以前庶務圖太

還辭関白薙髮補任太十五年征夷將軍興
良據銀嵩及勅師基以兵千餘人討之戰三
日夜遂破走之太平記明年與細川清氏等討
足利義詮於京師走之太平記異薨子教基
教忠分版系圖教基及弟教忠與山名時氏
俱討足利義詮于京師圖太後為関白分版
教忠右近衛大将圖太正平七年戰死南都
系圖藤原康長関白師通之裔曾祖雅平始稱法

性寺父從三位親康康長任左近衛中將左

兵衛督

尊早分原藤原系圖太平記

正平七年足利義詮

攻男山帝使康長禦之康長阻淀河撤橋版

相待會山名師義以兵二千亂流而涉我軍

驚援康長挺身奮戰親斬敵三人而引還追

兵連呼曰大將亦示背於人耶康長曰何難

旋馬返戰比至男山都十七次既而歛薄御

營康長選兵八百制裝號夜襲細川清氏營

大敗之既而帝衝圍歸吉野戎服御馬以混

軍士公卿將士行多鬪死一宮有種追及幾

逼于帝康長大罵曰將使奴輩知我手力下

馬揮太刀擊踏之帝賴得脫去後從大納言

藤原隆俊及山名時氏攻足利義詮太平不

知所終

藤原行房從二位經尹之子也其先行成以

來家也以善書稱行房官至藏人頭尊早分

系圖左近衛中將及笠置城陷行房沒於歛

增鏡尋從幸隱岐增鏡太平侍奉甚慎帝頗憐

之會光嚴院即位選書悠基主基屏風歌者

京師無其人議召還行房增鏡明年乘輿還京

行房奉迎時從駕諸臣悉戎飾特勅行房及

藤原光守文服扈馬太平記左近衛中將新田

義貞行房妹夫也按太平記妹作女今從系圖延元中義

貞奉皇太子往北國勅行房及其子行實從

馬金碕城陷行房死之太平記有三子伊實行

實成朝系圖

行實為近衛少將左右詳未從新田義貞入杜山

城聞金碕陷奔匿於飽和會脇屋義助遇敵於

鯖並揚火集兵行實以二百餘人馳救尋將

兵五百餘攻足利高經於黑丸城戰於黑龍

社前不利而還太平記不知其所終行房女弟

入後醍醐帝宮充掌侍為勾當有姿色左近

衛中將新田義貞夜直見其月下彈琴心艷

焉竊贈傳歌道其情不報帝聞憐之至延元

初車駕還京曲宴賜酒義貞副以掌侍義貞

擁愛纏綿無復進征志留連之間遂致元光

逸命餘燼再燃乘輿播遷而中興之業不立
議者憾焉義貞戰歿梟其首于京師掌侍
往矣其下哀動路人遂下髮為尼終京西往
生院側云太平記

源定平初名良定陸奧守定成子也尊卑分脈赤松

系圖太家號中院仕後醍醐帝任左近衛中

將帝之幸笠置定平從大納言藤原師賢適
延曆寺軍敗奔行在行在臨乃逃匿山碕會
赤松則村起兵陣山碕奉定平詐稱聖護院

宮與僧良忠將兵從鳥羽入討六波羅戰敗
而退六波羅平從兵部卿護良親王還京師
時大佛高直等據南都勅定平與楠正成等
討降之乃還藤原公宗謀反勅遣定平及伯
耆守名和長年等捕而斬之左近衛中將新
田義貞拒足利尊氏于兵庫定平從之力戰
敗還從駕延曆寺勅定平將兵屯宇治戰不
利及駕還京師定平亡匿河內東條太平記至
吉野拜大納言新葉集後為僧不知所終子定清

雅平分脈系圖

定清為近衛少將左右未詳異本太平記作中將建武中任

能登國司足利尊氏之友越中守護普門利

清起兵應之定清據本國石動山以拒敵大

軍來攻定清率僧徒苦戰死之太平記

藤原清忠左近衛中將俊輔子五世祖隆清

建保中參議左兵衛督隆清始家坊門其後

因稱坊門尊卑分脈藤原系圖清忠歷大藏卿造興福

寺長官任左大辨參議遷從二位公卿補任建武

二年足利尊氏謀逆抗表請討新田義貞義

貞上表數尊氏罪且告害護良親王詔下公

卿會議皆未有所言清忠獨進曰臣視義貞

所言尊氏八逆皆當其罪且專殺親王事若


實有之則尊氏誅不可緩宜待關東之信至

就狀決其罪也會護良計至乃下詔討尊氏

建元元年尊氏起兵鎮西水陸進迫京畿大

震義貞叱千兵庫備要衝詔河內守楠正成

援義貞正成建議言賊鋒不易當宜召還義



負車駕幸延曆寺縱賊入京師因遏其糧運臣
 與義負椅角而進一舉可殲公卿皆曰武事宜
 委帥臣也清忠曰自王師東征迄賊西走咸
 靈所加莫不必以寡制衆是天助非戰畧也
 况賊今段所帥必不及前日東來之強盛且
 未聞節度使與賊接鋒然陛下輕舉措遠棄
 京師則征討將士亦從生退志且今春已一
 幸延曆寺今復倉皇移蹕于彼則因何示萬
 衆之重哉臣謂宜速遣正成決戰都外帝納

其言正成至兵庫與尊氏兵接戰遂死之王
 師敗績尊氏進陷京帝幸延曆寺及尊氏送
 降清忠從駕還京太平記尋從幸于吉野延元
 三年病薨補任

大日本史卷之一百六十七終

Faint, illegible text in the right-hand column, possibly bleed-through from the reverse side of the page.

大日本史卷之一百六十八

列傳第九十五

權中納言從三位源光圀修

男權中納言從三位綱條校

土岐頼兼

土岐多治見

足助重範 儒本性

錦織俊政 石川義純

圓觀文觀忠圓

俊雅

良忠

祐覺

宗信

聖尋

土岐賴兼稱十郎美濃人源賴光之裔伯耆

守賴貞之子也

源氏系圖
土岐家譜

多治見國長稱四

郎二帝賴兼之族也為藏人並以曉勇著

增鏡

太平記家譜
多治見系圖

及後醍醐帝謀誅北條高時密

命近臣召二人至于京師賴兼族賴春

按太平記

作賴貞異本太平記作賴直今
據源氏系圖舟木氏系圖訂之亦與焉賴春

妻六波羅奉行齊藤利行女也一父賴春對

妻語及身後因悽愴涕下妻怪詰之賴春遂

以實告深戒勿泄妻以為事不濟則我夫死

矣濟則我親黨滅矣不知已早發其謀使夫

有告變之功而父家亦獲全也即夙歸告利

行利行大駭責賴春曰如何為此不祥之計

事若自外發吾屬無類矣賴春曰計由賴兼

國長因若亡命利行馳告六波羅北方常葉
範貞是時攝津葛葉邑民忿事起兵攻郡監
範貞聲云置莊家制之因患召四十八所篝
軍及在京見兵故俾賴兼國長在遣中不覺
其變也賴兼國長杲不知見襲裝戒待旦明
早範貞遣山本時綱小串範行率三千兵分
捕賴兼國長時綱單身逼賴兼寢所賴兼方
起理髮見時綱至投刀躍前格鬪良久敵衆
大至自知不免走入寢所潰腹死家士盡鬪

歿範行兵圍國長宅國長會被酒而卧倉皇
驚起側有游妓取甲掇國長小笠原通弘適
依其家出望敵衆告國長曰大謀已露君宜
決死也即執弓矢上門樓呼曰大將為誰來
試比乎何如射殪二十餘人留一矢挿腰問
曰可以備冥路也乃啣刀投樓死伊藤秋澄
父子四人從門扇少隙匍匐而入皆輒見殺
敵懼不敢逼國長聞門大罵範行曰汝輩將
乎何怯也速來決鬪敵衆怒爭進國長擊却

之敵番陣而戰自辰至午殺傷甚多佐佐木

時信兵千餘人毀民舍自屋後入國長與其

下二十二人交刺而死按增鏡曰賴兼國長

足助重範稱三郎參河人也太平記足助系

即作次郎或五郎異本太平記作次郎左衛門未知孰是與錦織俊政並

以勇敢聞後醍醐帝討北條高時重範俊政

奉密旨預馬事池車駕移幸笠置六波羅鎮

將北條仲時北條時益遣兵犯行營重範登

門櫓呼曰先鋒北美濃尾張兵耶臣足助重

範欽奉聖旨謹守此門謂本城車駕所御六

波羅殿可親詣也命大和工人備一二箭簇

將以擣後者請與諸君以試利否乃發一矢

飛二町外洞敵腦墜馬一敵以身蔽其死手

扣心呼曰君手不似所聞請再射之重範以

為彼恃重鎧乃射其兜牟貫顙殪之太平山

田重綱躍馬逼埤重範又射却之異本太


兵更擁楯肉薄而進會南都般若寺僧本性

房以事至于行在笠置山多鉅石本性有異

力便抱之乘高連投教十枚歃人馬中之壓
死無筭山下流水為之變色歃兵褫魄數日
不敢近城陷重範就擒見殺京師太平記
錦織俊政為判官代與足助重範等從駕于
笠置臨城陷將士崩潰俊政奮勵曰奉詔討
賊義當死報巡將安往乃袒肩力鬪矢竭力
折遂與其子及衆十三人割腹死太平時有記
石川義純尊卑分脈作義繼任飛驒守與子
義古首應徵至笠置及城陷父子力戰自殺

分脈系圖

僧圓觀住法勝寺僧文觀醍醐座主東寺長
者僧忠圓住淨土寺並為僧正後醍醐帝素
崇佛教及謀滅鎌倉以天下武人未易驟徵
也乃計賴僧兵以資軍興教行幸延曆東大
興福等寺以豫收衆徒之心而圓觀文觀忠
圓並預焉元亨二年春帝託祈中宮安産大
召諸寺僧而別延圓觀文觀於御前行法詎
北條氏至期事漏高時遣人捕致圓觀文觀



以忠圓素為帝所親用亦併送之及到高時
 以圓觀為教主戒師舍之不治文觀備被訊
 掠款以認事忠圓性怯先自首服自朝廷密
 計參謀主名具狀以進高時乃竄文觀於礪
 黃島忠圓於越後圓觀於陸奧及亂平並
 還住本寺文觀恃寵驕肆殖財畜甲有媚已
 者輒為奏請曲行霑賞貪競黨附不知幾百
 每上朝兵從前後引路及足利尊氏兵犯京
 師文觀與昭屋義助等拒之山崎兵皆脆弱

率率出降文觀敗退以正平十二年卒于吉

野圓觀以正平十一年卒太平志圓不知所

終按有法勝寺僧慧鎮正平七年後村上帝

帝伴答允之見太平記園太曆而

僧俊一作春雅後醍醐帝之外舅也稱峯僧正

笠置之陷敵執俊雅流筑前筑前或作長及

乘輿反正俊雅權決九州諸務長門探頭北

條時直就少貳貞經等乞降俊雅見時直曰

疇昔涼貶備被卿凌辱不料復有今日吉凶

冊目
卷之百六十一

無常禍福不測為可深慨也我將赦卿以一
死因遣使奏狀帝為俊雅特免時直給其食
邑太平記俊雅不知所終

僧良忠僧良寶之子也伯父左大臣藤原師

忠養為子叙法印以闕白良寶之孫故稱殿

法印為兵部卿護良親王候人藤原系圖元

弘初從駕笠置與源具行謀出城班徵兵詔

于諸國及行在敗帝御六波羅良忠謀奪之

不果尋被捕得北條仲時使吏言曰天子曰

不能子等舉事何粗聞子圖按我居謀奪先

帝非冀之罪豈可容誅以它所有見悉其首

良忠輒答曰普天之下無非王土拔至于難

誰為非今伏羲討賊何謂之粗辭氣奮激無

所屈撓仲時議欲即刑或止之謂宜留以引

黨與乃付吏閉之室中太平記良忠多力夜潛

破戶逃去系三年四月與赤松則村攻京師

不利五月又與諸將攻克六波羅其部下發

民藏庫掠奪財物足利尊氏捕二十餘人梟

太平記 卷之百六十一 七

首六條河原大署榜曰大塔宮候人殿法印

良忠之部率坐盜處死良忠啣之與護良俱

謀行誅除太平記後護良被幽救殺其後臣三

十餘人太平記良忠蓋在刑中也

僧祐覺祐或作者初居法勝寺學律稱覺應坊太平

太平記當後醍醐帝在船上山乃入延曆寺

集兵勤王又後新田義貞東征足利尊氏足

利直義拒水飲嶺祐覺使童者十人僧兵三

十餘人盛飾鎧童者皆冒戴花勝先衆進款

射斃八人僧兵踵進奮擊所殺無算敵軍大

靡及大軍敗後還駕之幸延曆寺僧英憲先

至尋僧定宗異本太平記宗作乘以五百餘人來衛偏

照寺院民屋以居官兵祐覺擁千餘兵繼至

牒發山中於是僧徒大集輸錢六萬貫穀七

千斛祐覺分以配給軍賴大安太平記既而鎮

守府大將軍源顯家率兵至近江救祐覺發

船七百餘隻迎之尋與僧徒一萬及諸將分

討足利尊氏于京師僧徒前期攻宇都宮公

大日本記 卷之百六十一

綱於神樂岡祐覺以兵三百先登傳埤因幡
豎者全村素以驍悍稱伺敵卒臨睥睨于巨
鏃箭鏃之洞甲而斃敵軍為擾祐覺等因急
攻破之時呼全村為手鏃因幡太平記車駕再
幸延曆寺祐覺復勵僧徒率錢穀以佐軍用
既經數月財資單竭加之足利高經小笠原
貞宗兵捷運道軍中大窘祐覺乃率五千人
擊貞宗於野路篠原敗還終扈駕入京師足
利尊氏斬之時屬歲暮祐覺詠歌遺法勝寺

儒慧鎮曰於布加多能斗志乃致禮曾斗於

毛比志珥和加美能波底毛古與比奈利計

利太平記

僧宗信世為吉野修行叙法印住吉水院嘗

助護良親王據吉野及城陷後走亂平還任

吉水院文書後醍醐帝自花山院出幸穴太遣從

臣刑部大輔三條景繁諭告宗信駐蹕吉野

宗信乃發僧兵三百奉迎造行在御焉既而

帝崩衆情沮敗皆無守心宗信入告曰先帝

州日事
臨崩敕翼幼主討逆賊遺命在耳豈可遽懷
離散宗信在矣諸公勿為動慮方今四方官
軍如上野有新田義興武藏有新田義宗越
前有脇屋義助義治其餘之族據有郡國若
凡四百餘人加之築紫有菊池松浦草野山
鹿土肥赤星四國有土居得能江田羽床淡
路有阿間志知安藝有有井石見有三角成
合出雲伯耆有名和備後有櫻山備前有今
木大富和田兒島播磨有吉川河內有和田

楠橋本福塚大和有三輪西阿真木寶珠丸
伊賀有江家伊勢有九鬼愛曾紀伊有湯淺
山本井遠加藤遠江有井伊久美濃有根尾
尾張有熱田大官司越前有小國池風間祢
津太田近江有儀俄高山野村熊谷山徒有
南岸圓宗院此皆忠義金石不以安危易節
者宜速頒詔書勵以興復也則誰廢前功以
耳致降衆心賴以大安太平記有真遍者亦任
吉水院助護良親王據吉野及城陷後之南

奔亂平還任蓋真遍乃宗信之號矣真遍之

後有成遍及尊壽丸世嗣云吉水院文書○

吉野新熊野西執行交領其務護良親王在

倉兵為卿導襲陷城後醍醐帝御吉野罷吉

水院益隆嫁皇女以誕一子乃賜偏諱字

壽丸僧聖尋閔白基忠之子也圖為大僧正東大

寺東南院法務東大寺別當醍醐座主兼笠

置寺別當元弘元年帝南幸投聖尋聖尋奉

入松嶺寺未顯言駕臨以察衆後向背而東

大寺西室主僧顯寶

太平記作顯寶今從諾異本

北條高

時之族也僧徒憚之無赴義者聖尋知事不

可集乃奉帝往山城鷲峯山遂御笠置山近

國將卒亦繼至焉既而敵發大軍來犯陷之

擒聖尋送六波羅明年流於下總及高時伏

誅得還任東大寺以笠置寺嚮為敵焚毀奉

勅再造之

太平記異本太平記增鏡笠不知

所終

大日本史卷之一百六十八終

大日本史卷之百六十一
（Faint bleed-through text from the reverse side of the page is visible here.）

大日本史卷一百六十九

列傳第九十六

權中納言從三位源光圀修

男權中納言從三位綱條校

楠正成

子正行 弟和田正隆 族和田正朝 正朝弟賢秀

和田正忠 和田正武

楠正成河内人左大臣橘諸兄之裔也世居

金剛山西舍多楠樹因以為氏父正康橘氏系圖

一作正遠 又正玄母某氏禱志貴山生正成山神昆

沙門也以故小字曰多聞異本大元弘元年平記

帝避北條高時兵幸笠置寺四方少勤王者

帝頗憂之適夢紫震殿前延有一大樹南枝

最榮樹下設南面座百官班列忽有二卅角

來跪指座泣奏普天之下無所容聖體唯此

座可以坐也覺而自占木傍南楠意將有楠

氏者出俾朕再正南面位也召寺僧快元問

之對以正成帝謂所夢殆是遺藤原藤房徵

之正成登詣行在帝使藤房傳命曰卿應命

即至允足深嘉今日之事一以煩卿卿其有

何策以決廟勝詳陳其所見正成對曰逆賊

暴虐自取禍譴天討所加莫不勝也但東夷

之性勇而無謀若以力爭則武藏相模之兵

天下無敵焉以謀誣之則易與也然成敗兵

家常事或遇小釁願勿為回聖慮有臣存何

患不濟辭歸城赤坂城方可二町三面平地

守者僅五百人取民儲以充兵食太平記虞行

在不守迎駕拒戰也增鏡板築方畢而北條高

時將大佛貞直等十餘萬已攻陷箕置棄勢
奄至城下正成先遣弟正季一作正氏及和田正
遠以兵三百伏城側山中敵衆視城小易之
曰直用隻手捉去耳輒薄陴急攻城兵亂射
兩注殺傷千餘人敵驚沮而退脫甲解鞍為
下營計正季等瞰之分兵為三鼓噪而進城
兵連鋒突出合勢奮擊敵狼狽而走蓋械鞍
馬委棄載路尋復來攻圍數重正成豫索懸
外牆俟其四面爭登而斷索敵隨牆顛因連

投巨木石厭殺七百餘人敵更蒙楯競進鐵
搭鉤陴殆壞城中乃以長柄杓沃沸湯敵皆
傷爛自是退守營柵計持久以困之初正成
之築城倉卒儲糧不多至此謀衆曰我數有
利而賊勢不挫內乏資糧外無救援欲率先
天下以建功業者死固在不顧也雖然臨事
而懼好謀而成亦智士之所尚焉我今陽死
賊必引歸歸復聚衆出戰我逸彼勞制勝之
道也衆皆然之即夜會風雨晦冥咫尺不辨

正成為二大坑填以死屍積薪于上留一卒
 戒曰候我行遠放火燒城乃與衆士五分伴
 潛過敵營而行敵不之覺及火起爭入城見
 坑中焚屍以為正成信死引兵旋于關東正
 成乃匿金剛山太平記異本太平記梅松論北條仲時北
 條時益遣湯淺定佛守赤坂二年車駕西將
 隱岐所在官軍皆解夏正成以兵五百出攻
 赤坂定佛命領邑民夜輸糧米正成謀知邀
 而奪之更苞戎具如米狀使卒三百陽為輸

夫擔致城中別出兵為追擊之狀城中望見
 以為輸夫為敵所追乃閉門納之既入披甲
 譟叫外兵應之拊關並攻定佛遂降正成并
 其兵徇和泉河內進屯渡邊橋京畿大擾仲
 時時益遣隅田通治高橋宗康將兵五千餘
 來攻正成分二千人為三伏天王寺側弱卒
 三百守橋皆羸馬繩轡及戰輒走誘敵窮追
 比過天王寺伏兵並起敵大敗退至橋人馬
 擁溺死者無數逾月仲時時益又遣宇都宮

公綱以兵五百來攻和田孫三郎某謂正成
曰隅田高橋五千兵我已破之乘此新勝以
拉公綱何難之有請出兵逆擊正成曰兵在
和不在多公綱坂東驍將從以紀清西黨且
彼乘敗斂之餘僑軍孤進志在必死使我能
拒所出亦多天下之事豈止今日宣愛士力
以圖後舉也我今輸彼一籌引退數日出奇
誑之則坂東慄息之士氣索而去矣所謂見
小敵怯見大敵勇不戰而屈人之兵者也棄

陣而却居數日遣卒三百及民兵數千大然
炬火星布山澤如此連夜滋多滋逼公綱勤
兵嚴備意其衆日盛也終潛引還正成復入
天王寺請寺僧觀上宮太子未來記其文曰
當人王九十五代天下一亂而主不安此時
東魚來吞四海日沒西天三百七十餘日西
鳥來食東魚其後海內歸一三年如獼猴者
掠天下三十餘年大山變歸一元正成悅曰
識文所謂人王九十五代即今上也東魚吞

大日下史 卷之百六十一

四海相摸入道是也西鳥食東魚當有起兵
滅閩東之人也日沒西天三百七十餘日指
上在隱岐歸闕返正當在明年春也固以金
裝力與僧益優厚士卒禁止暴掠遐邇歸望
兵勢彌張尋還金剛山築千破劔據之使平
野將監某守赤坂太平記異本太平記明年春高時復
大發兵遣二階堂貞藤圍兵部卿護良親王
於芳野大佛高直攻千破劔阿曾時治攻赤
坂將監拒守旬餘城有暗渠為敵所泄時又

久旱兵士困渴敵仍以火箭焚樓櫓將監力
盡而降敵送六波羅斬之會貞藤陷芳野護
良南走貞藤與時治兵悉集千破劔軍聲大
熾城東西臨谷南北蔽峯斗拔數十仞周可
一里敵恃其衆蟻附急攻城中大發矢石拒
之敵死傷無算令吏十二人注之三日夜不
絕晝乃令軍中禁擅進安營環守城有泉五
道雖旱不涸正成作大槽數百貯水每日得
五斛許汨以黃上養其性每兩引屋溜於槽

大日下史 卷之百六十一 六

水常得足而敵疑其外汲也令名越越前守
某兵三千守東溪正成伺知守者稍怠拂曉
出兵擊走之獲其旗幕翌日張之城上呼曰
此昨日名越殿所遺煩部下人願來取之越
前守愧忿率五千兵拔柵進薄城兵下巨木
仍大發射死傷略盡敵服其機益成持久之
計正成乃縛藁人數十被甲持兵夜置城外
壯士五百潛蔽其下昧爽鼓譟誘敵伺敵來
擊略發數箭遂巡入城時方霧昏敵衆不曉

競赴藁人城上乃連下巨石殺傷八百餘人
敵為飛橋欲騰入城中叢擲火炬啣筒灌油
橋燒斷敵陷深谷焚死數千人會近郡民兵
奉護良親王令截敵糧道敵中大困逃亡相
繼仲時時益又遣字都宮公綱助貞直公綱
以千兵千人疾攻不能拔會帝幸那和諸將
攻克六波羅敵皆解圍潰去車駕還闕正成
乃率兵七千迎謁于兵庫帝親勞之曰大事
速成一師所效正成謝曰不賴陛下威靈臣

大甲本紀 卷之三十六 十一

昌得出賊圍復有今日詔前驅入京師後貞
直等擁餘衆在南都謀犯京師正成副左近
衛中將源定平討而降之建武元年討僧憲
法于飯盛山平之太平記以功為檢非違使左
衛門尉任攝津河內守護太平記二年新田
義貞東討足利尊氏正成與諸將留衛京師
延元元年足利尊氏犯關正成以兵五千禦
宇治尊氏兵攻大渡官軍敗績帝幸延曆寺
正成乃與諸將守行在與義貞結城宗廣那

和長年等攻京師遇敵兵五萬于出雲路正
成捍楯數百枚遇敵馳突乃鐵勾相連敵以
發射退輒縱精騎乘之敵披靡而却是日諸
軍獲捷尊氏西走遇日暮正成謂義貞曰今
日破賊殺獲莫幾而不知尊氏所適以此少
衆頓留京師恐士卒貪財四出不收豈得無
返襲之虞如前日事邪且敵乘勝機後恐難
制莫若旋軍養力一舉驅之數十里外也義
貞從之引還尊氏復入京師翌日正成遣僧

大甲本紀 卷之三十六 十一

數十人于戰場歷索死屍詐泣曰昨新田北
島楠氏等七將戰沒將為求喪收葬敵聞以
為信乃取屍首似義貞正成者梟之於是正
成與諸將潛軍夜發別遣卒持炬遵山西行
綿綿相屬敵軍望視告尊氏曰官軍失將領
今皆已去尊氏遣兵要諸道餘衆不復警備
詰旦正成等進入京師放火掩擊敵軍驚敗
尊氏竟西走遺棄鎧甲蔽路正成遂與諸將
追至豐島河原與足利直義戰正成引兵出

敵後直義不戰而退與尊氏航海遁夏尊氏
直義引大兵水陸並東義貞拒之兵庫詔正
成往助正成奏曰賊收九州軍勢必昌熾以
我疲兵恐不能當宜召還義貞車駕移蹕山
門縱賊入京師兩臣還河內招聚畿縣兵塞
河道絕糧運待其疲散然後前後齊進一舉
可斃也揣義貞之計亦復及此但不戰而退
涉于物議故不輒歸耳夫戰者雖始之或負
欲終之有利請加重恩藤原清忌以謂宣速

大日本史 卷之百五十九

遣正成決戰都外帝後其言正成即以五百
騎上道至櫻井驛以所賜菊作刀與子正行
遣還河內遂進陣湊川以當尊氏陸軍義負
陣和田崎以禦水軍尊氏先鋒細川定禪率
舟師向組邊義負拔軍赴拒而尊氏全軍既
登兵庫正成望之謂正季曰大軍隔絕敵滿
前後吾道窮矣乃赴直義陣縱橫奮擊幾獲
直義尊氏遣六千餘人斷軍後正成回戰數
次士卒殲盡躬被十一創退入民屋謂正季

曰今日送死九畝吾子欲何所託魂正季笑
曰願七生人間以滅朝敵正成怡然與之交

刺死族十三人或三十殘兵六十餘人或五十

餘割腹並斃太平帝追悼不已贈正三位左

近衛中將提津兵庫廣嚴寺栴正成靈碑及

尊氏走抗紫自是朝延怡然無虞正成上奏

宣誅義負而拓尊氏與之輯若須使命臣

請往馬衆皆唾之正成私言朝廷得滅北條

氏定尊氏之功天下將士莫不屬心焉所以

官軍雖勝應若當寡尊氏雖敗從者每眾彼

必服集西國朝月奄至不可禦矣既救拒尊

氏正成到提津尼崎還奏曰曩臣私據金剛

山義合國中以得濟功此民心屬王室也今

大日本史 卷之百五十九 十

臣以本國守護兼救命召兵然雖臣親戚猶
 有難色此民心離王室也戰必敗矣按梅松
 論足利氏家臣所撰故援正成以蔽尊子正
 氏之惡不足信也今併記以辨其誣言子正
 行正時正儀正儀自有傳

正行叙正四位下為帶刀檢非違使左衛門
 尉兼河內守太平記梅後醍醐帝出花山院
 御內山正行與後弟和田正朝等來赴及帝
 崩入宿衛後村上帝踐祚之初屢出兵任吉
 側以挑敵軍正平二年足利尊氏遣將細川
 顯氏以兵三千來攻河內距金剛山七里而

舍聞正行將攻矢尾城謀候其出遠徑至金
 剛山下斷後塵蓋之正行探聽率兵七百佯向
 矢尾縱火所在潛還蔽譽田林而陣顯氏望
 矢尾煙以為敵果攻彼乃馳赴金剛山無復
 隊伍比過譽田正行兵叫呼突出顯氏大敗
 直奔保天王寺山名時氏以兵六千援顯氏
 氏于任吉正行討先破任吉則天王寺兵不
 煩攻可自退乃分兵二千餘為五隊放火民
 舍而進望敵軍塵揚以謂彼陳四處而兵倍

於我不宜分勢復併五隊為一大戰破時氏
于臥生野餘衆隨潰至渡部橋溺者無算時
氏被創走太平記異本太平記園太曆明年正行進逼京
畿尊氏憂恐乃令高師直及弟師泰發兵八
萬來攻正行與弟正時和正朝等百四十
餘人歛神水誓死詣行宮奏請曩者先臣正
成展微力夷強賊以安宸憂無幾天下復亂
遂賊西襲終致命於湊川臣時年十一遺言
遣還河內保合族黨復將除滅朝敵俾寓內

再歸皇化也臣年既壯常恐以有待之身遽
嬰不測之疾上而為不忠之臣下而為不孝
之子然今師直師泰將來犯實臣報效之秋
矣若非獲彼首則授臣兄弟首於彼雌雄之
決在此一戰願得一拜龍顏而去言畢泣下
帝親臨口救曰以前兩次之戰每得克捷汝
累世武功殊可嘉尚聞賊復盡兵來侵事勢
固弗輕雖然知進而進欲不失時也知退而
退欲保後也汝朕之爪牙慎當自惜正行頓

大日本書紀卷之百六十九

首而出率眾詣後醍醐帝廟恭謝曰戰如不

利弗一生還叩鐸而起太平記叩鐸據題同

盟姓氏於如意輪堂壁書歌於其後曰阿豆

佐由美比岐加倍佐志斗於毛布奈利太平記作

加倍羅志斗加禰氏於毛倍波阿豆奈岐加

須珥以流奈於曾斗斗半流各截髮納于佛

殿而後發帝使中納言藤原隆資援之明年

正月高師直入河内分兵六萬陣伊駒山南

及飯盛山外山四條畷四處親將餘軍居後

隆資率兵三千陽為向飯盛山以縻敵軍正

行兵三千由四條畷而進飯盛山敵望之分

兵遮擊正行以先鋒敗之後軍與四條畷敵

戰殺傷相半飯盛山伊駒山敵兵前後奄至

後軍見敗退走正行不顧以兵三百直前奮

擊更大敗師直兵聚兵亡百餘人馬皆被數

矢眾乃下馬據壘坐食食畢步進接戰益勵

遂迫師直陣上山高元偽稱師直冒陣戰死

其甲鑄連環即高氏紋也正行大喜擲首于

大日本書紀卷之六十九

空中手兼者一而既而知其偽也乃投首于地蹴且罵曰汝上山高九邪汝亦無雙朝敵矣而勇則可賞乃親斬衣袖襲首置于壘上此日自卯至申戰凡三十餘合殺傷數百千人吾兵死已畧盡乃與餘兵五十餘人負楯佯走以誘師直敵覓之遣支兵三百追之正行返戰斬五十餘級遂前復迫師直軍而正行正時體中數箭兵皆重創不可用正行乃呼曰事畢矣莫為賊所獲與正時交刺而斃

年二十二從兵皆自殺其他宗族紀六郎左

衛門及二子野田四郎及三子楠將監西河

或作石楠將監西河及子關地良圓金岸或作金庭兄弟富

山與三及六郎河邊石掬丸大家掃部助阿

間了願譽田某禁峯某凡二十三人從兵凡

百四十三人一作五百悉戰歿太平記異本太平記正

行常朝吉野路遣高師直誘出宮女韓內侍

遣率迎之內侍在輿中啼正行悉斬師直率

奉還以聞帝詔即賜內侍正行辭以歌曰斗

大日本書紀卷之六十九 十四

大日本書紀卷之百六十九

氏毛余珥奈加呂布倍玖毛阿羅奴美能加

利能知岐利遠以加氏牟須波牟吉野指遺瓜生

野之戰正行援敵溺率五百人給衣藥視養

數日回授鎧馬禮而遣之敵或感恩來降及

戰四條畷後死者衆云太平記子多門丸先率

系圖按一本系圖正行子有正

和正隆系圖作稱彌五郎楠正成弟也系圖

太平記元弘初從正成起兵後戰死于湊川太平記

和正朝太平記一作高家系圖載高家不

和正朝疑高家蓋正朝初名也

高師直等來攻正朝與弟賢秀從楠正行詣

吉野行宮廷辭與同志士百四十餘人俱誓

死而進大敗師直於四條畷一作職俊

各據異本望視師直旗幟欲追之正朝曰彼

騎而我步追不可及我如陽走彼必來追來

即返戰則可獲師直也乃與殘兵五十餘人

負楯退高師直以兵三百蹙後正朝返戰大

破之既而後兵悉沒正行尋自刺死正朝欲
還奏其狀向南單行阿保忠實疾呼曰楠家
皆死何忍獨止正朝笑曰何難揮力赴之忠
實迴馬却走正朝去則復追之如此數次會
敵餘騎至射正朝被七矢遂為忠實所殺

賢秀正朝弟也和系圖秀一作快按大平記曰

賢秀弟高家據之源秀賢秀似是別人也然

楠正行戰死之條曰和正朝兄而持為賢也

死據此文賢秀源秀本一人而持為賢也

源國音近所誤也其為正朝兄亦妄也

住吉賢秀力戰手斬數十人敵軍敗走追斬

山名兼義又後討高師直賢秀善使薙刀所

當無前既而正行尋戰沒後士皆盡賢秀獨

雜敵兵袒師直相距數步正行部下湯淺太


郎左衛門白降在師直軍視賢秀從後斫其

膝路之就斬其首賢秀眼光如炬怒視湯淺

死猶不瞑其日湯淺得疾俯仰視賢秀張眼

嘆已間七日死去太平記

和正忠異本太平記按稱五郎正平七年



大日本外紀卷之百二十九
帝親御軍正忠與楠正儀為先鋒攻京師破
細川顯氏正忠部率斬細川賴春足利義詮
走近江車駕進次男山義詮尋以大兵犯行
宮勅正儀正忠逆拒時正儀年二十三正忠
甫十六以年齒尚弱人皆危之正忠入奏曰
元弘以來臣一門殆為此賊所殲臣今日為
國討賊為父兄報讐苟不斬賊一將則不復
還謁矣與正儀將兵三千拒守荒阪山敵驍
將土岐康貞揮大刀進正忠與鬪斬之詣行

宮以聞帝大獲獎尋從正儀還河內圖當集

兵士復進會病暴卒

太平記

和田正武為和泉守足利義詮兵犯天野行
宮正武與正儀據赤坂城拒之敵來圍數重
正儀欲棄城退保金剛山正武不肯曰勝敗
若戰之常也當戰而退勇士不為我請率兵
攻之不克則退亦未晚也乃乘夜襲敵營不
克斂兵而退有二敵卒混入城中正武已還
令衆唱晴號以坐作敵卒不應乃執殺之即

夜與正儀俱走入金剛山又從攻佐佐木秀
詮等斬之正儀後叛降于足利義滿太平正
武率宗族屢攻之三代不知所終

大日本史卷之一百六十九終

大日本史卷一百七十
列傳第九十四

權中納言從三位源光圀 修
男權中納言從三位細條 校

名和長年 弟長生

兒島高德 父範長

結城宗廣 子親光

名和長年初名長高稱又太郎伯耆名和人村
上帝子具平親王十五世之裔以故又姓村上

氏父行高曾祖父行秋秉父之役隨王師禦關

東軍于宇治為北條氏奪領邑伯耆卷船上錄名和系圖長

高為名和地頭伯耆卷勇健善射家富族廣元弘

三年帝與左近衛少將源忠顯潛出隱岐至名

和忠顯聞長高可倚徑造其門見長高宣旨託

以時事長高適聚族讌飲聞其言猶豫未答第

長重船上錄以長重為長進曰士之所重名也

十善之君忝被委託我曹暴尸軍門以延譽後

代耳度追兵既至宣先奉駕入船上山衆皆奮

從長重從數人往迎扶帝上馬幸船上山行值

險處被新薦甲背負而過太平記異本太平記

卷云長年奉迎又按伯耆卷云長年為那和

地頭帝在隱岐衛士多效忠款若帝固問近國

誰可託大事皆對以長年長年行氏值風不能發而

帝先已航海適那和帝羸甚藉木葉以上飯松梅

論遂到御山上佛寺伯耆卷長高令邑民能運我

倉中穀于船上山者人給錢五百即日獲致五

千餘石乃火宅率百五十人赴船上伐木為寨

多排戶扉以蔽矢石第氏高一作高族伯耆卷計

以松煙薰布畫近國將士旗號以作疑兵翌日
佐々木清高與佐佐木昌綱佐渡前司某以兵
三千來攻望見旌旗大沮長高以兵寡蔽樹選
射莫不命中中必洞甲昌綱被矢死佐渡前司
陣山後以兵八百來降清高不之知麾衆競進
遇日昏雷雨驟至長重及弟長生等乘之突擊
敵崩潰死傷填谷清高僅以身而逃於是近國
將士數萬望風來集遂遣左近衛中將源忠顯
收復京師

太平記梅松
論伯耆卷

帝製文及歌以述長高

功曰將以垂示汝志于後世也

新葉集伯耆
卷船上錄任

左衛門尉兼伯耆守賜名長年

伯耆卷帝得京師

捷問欲即歸闕詢之群臣勸解由次官藤原光

守曰六波羅雖敗鎌倉未舉賊形勢猶熾世言

東八州可敵天下一鎌倉可敵東八州是以兼

久之役取伊賀判官為力太易及與鎌倉兵遇

輒便敗折強弱之勢雖今可知宜駐大駕于此

以觀東方之變

太平記長年亦請遷教川

親筮占之得師上六乃決意治行建武元年為

因幡伯耆守護新田義貞之東征長年與楠正
成等留衛京師延元元年正月足利尊氏犯京
師長年以二千人禦勢多橋聞諸軍敗車駕幸
延曆寺乃以兵三百還京師與尊氏兵巷戰十
七合死者過半遂造禁門俯伏涕泣顧望而行
太平記異本太平記云長年恐
宮闕為賊所污放火而去誤也詣行在與諸將
戮力擊走足利尊氏護駕而旋及足利尊氏再
入又從駕延曆寺尊氏兵犯東坂長年與服屋
義助等擊却之又與新田義貞攻足利尊氏於

京師比過白鳥路人相語曰三木一柙唯有伯
耆存長年聞之謂輿論嘲我死晚也戰倘不利
今日死矣蓋結城伯耆楠千種當時功臣並兼
恩眷故世稱為三木一柙云及戰敗諸將引歸
長年閉後街門以絕走路與兵二百人力鬪死
太平記系圖梅
松論常樂記三子義高基長高光義高初從
北條高時軍往攻千劔破城及長年舉義得報
拔還後源忠顯攻六波羅叙正五位上為撰非
違使後與源顯家戰死堀浦基長後為僧居高

野山高光幼名乙童九佐々木清高之來犯船
 上山高光年甫十四爭先力戰殺敵頗多帝引
 見大喜出賜所御黃楊櫂以為行賞之驗後叙
 正六位上與父後駕延曆寺而戰死按太平記云長年弟
二子伯耆權守長秋第三子修理亮某從
懷良親王之師于九州今從伯耆卷系圖義高
 子顯興實基長所生叙後四位下為檢非違使
 彈正大弼伯耆守建武二年率族人從征西將
 軍懷良親王適于築紫後居肥後八代城名和傳譜
 不知所終

長生稱太郎左衛門長年弟也從長年舉義戰
 于京師有功正平中足利義詮犯男山行營車
 駕衝圍還于賀名生事急主者委神鏡櫃于田
 中而去長生乃下馬脫甲負櫃而走敵追射矢
 中櫃板如急雨長生僅免而還櫃板脆薄矢著
 者十餘遂不能洞人以為異焉太平記伯耆卷
 兒島高德稱備後三郎備前人也其先本姓三
 宅氏父曰範長氏和田任備後守兒島系圖高
 德夙好讀書異本太平記方後醍醐帝在笠置謀聚

兵勤王太平記帝賜以錦旗異本太平記既而行在失

守車駕西遷高德乃聚族謂曰志士仁人有殺

身以成仁我欲於路奪駕奉以舉義而死足以

耀名邪衆奮從俱上舟坂山候之聞護送兵轉

出山陰道乃復詭道至杉坂則車駕既過遠矣

衆於是散去高德冀得見帝道其衷獨羸服踵

後數日不得問乃夜入御館斫櫻樹異本太平記作柳樹

白而書之曰天莫空句踐時非無范蠡衛士無

識字者白之帝亦不知何人所為然心忻然竊

自喜焉太平記及帝在船上高德與範長詣焉異本

太平記遂屬左近衛中將源忠顯攻六波羅官軍

敗績忠顯走歸峯堂高德及村上行村太平記作名和

高方今從力戰愈勵忠顯馳人召還謂高德曰

敗卒疲劇難于再戰旦吾營距賊密逼恐致不

虞今欲移營少退以圖後舉何如高德對曰勝

敗在運小劔何患但可進不進不可退而退此

為將帥過也赤松圓心僅以千餘人此山礪三

進三敗猶能固守屯營遂不為退一寸而况今

我殘兵比賊尚多軍之所據後山前水得守禦之勝如何棄也倘虞賊夜襲我請往扼七條橋公亦出兵見備遂率三百人此橋西夜半高德顧望本軍炬火漸少料忠頭棄陣已遁也引兵而歸道遇荻野朝忠曰元帥既遁我亦將退丹波請子與俱高德曰我誤矣從此懦將作事子先往我當巡視本軍追以相及乃留兵山下獨登峯堂則錦旗匿械委棄狼藉高德大罵曰何不使若人墮坑落塹死收旗往與朝忠守高山

寺城及足利尊氏舉兵篠村近郡將士爭附高德惡屬其下特與朝忠及足立祐秀和田本莊平莊氏等轉自若狹入與諸將攻六波羅克之還歸備前建武二年飽浦信胤等據福山城以應足利尊氏高德與淺山條就攻之幾克遇軍中有叛者戰敗還據三石城官兵稍集出戰和氣驛松田盛朝就陣降敵高德敗走入熊山城而夜又有叛者導敵入城高德與宗族僅免以事上報遂匿山中延元元年新田義貞遣

等賜屋義助攻舟坂久不下高德聞之遣人告
義貞曰舟坂復固不易下我當以四月十八日
揚兵熊山敵必分衆東攻將軍乃分軍為二一
為攻狀以綴敵一道三石山南出其不意前後
夾擊我即率兵相會則舟坂可舉舟坂舉則西
國何意不附也義貞大悅約以進兵至朔前夕
高德火其宅以二百餘人天明上熊山敵果出
三千人來攻山有七道高德分衆禦之力戰竟
日逮夜敵繞嶺奄至高德以十餘騎當之重傷

墜馬有二敵卒馳來斫之高德從子和田範氏
杉崎範家赴救扶載以歸創甚幾死父範長激
之曰在昔鎌倉權五郎景政為敵射中其目不
拔矢三日遂射殺傷已若沙今小傷乃委墜若
是何獲濟大事高德乃蘊息言曰速杖上馬出
以決戰範長謂其可濟矣以餘兵十七騎突進
敵不測其寡不戰而退官軍遂拔舟坂賴此戰
焉尋範長與高德欲拒飽浦信胤兵從尊氏而
東者出陣西川尻聞敵陷福山城欲會賜屋義

助兵又聞義助敗還播磨夜踰險到佐古老
浦高德騎行終日創增劇範長託之所識僧而
行天既曙遇赤松則村出兵要于嶮隘呼言亡
卒速釋甲降範長笑曰前者足利尊氏以書誘
我百端皆扯裂投火今復隨汝降者汝欲得衣
甲當即相與以八十三人破圍東出敵傳呼村
落叛亡率遇民兵數千人四集射之範長行戰
十八合士卒死傷所有僅六人範長曰使我得
拳族而來蹂過一路何難事至于此是我死日

遂割腹啣刀而死高德繼為備後守三年新田
義貞在越前欲發兵攻京以援男山高德從在
軍中議曰嚮官軍敗績敵山不支由此賊截路
而糧食不給宜留兵北國通其運輸然後遣數
千兵往據敵山日夜以撓京師是深根固蒂之
謀也然僧徒視吾少衆棒至恐有致叛貳宣先
送牒狀義貞大然之高德即援筆為牒立成乃
齎貽之延曆寺亦報狀應之居頃之義貞戰死
高德從順屋義助如伊豫義助病沒逃歸備前

興國七年招服屋義治于上野圖舉兵先是萩
野朝忠降于足利尊氏以事怨尊氏高德因結
朝忠期以並起足利尊氏聞之發兵攻朝忠于
高山寺城高德于兒島朝忠出降高德謂謀不
濟遂擁義治海路竊入京師招得義故千人高
德計使衆聚居必為敵發乃分置近郊期夜襲
尊氏先期一日尊氏謀知遣兵悉殺其匿在土
生者衆聞之散去高德亦與義治奔信濃後剝
髮彌志純異本太平記作志繼正平七年帝御男山圖京

師召高德詔方今事勢至要汝其赴東北諸國
起兵以襄功高德亟往宣以旨於是新田義宗
及小山某字都宮公細桃井直常上杉憲顯吉
良滿貞石堂義房等發兵來援男山太平記高德
後不知所終

結城宗廣薙髮號道忠太平記結城家譜按異本太平記及異本家譜

作源其先出朝光父曰祐廣稱彌七左衛門居

陸奥之白河因稱白河結城以別宗族居下總
者家譜宗廣為上野女北條高時執僧圓觀附之

宗廣配錮其邑尋宗廣又從關東軍于笠置及

北條氏滅以圓觀詣關歸順詔食邑如舊太平記

元弘三年與鎮守府大將軍源顯家同奉義良

親王還定陸奥郡縣安輯元弘日復從源顯家

入援坂本攻三井寺屢戰于京師事平東還延

元二年再從源顯家攻鎌倉抵南都顯家與諸

將士議軍所向宗廣曰我軍累捷已聞入京之

路而猶憚賊不得過黑地橋持此詣芳野為懦

甚也當直襲京師一掃兇徒不濟則暴屍王城

耳顯家然之未發高師直來攻顯家戰沒宗廣

奔芳野方是時新田義貞死北國源顯信棄八

幡朝廷震驚不知所為宗廣奏顯家三年之間

再發大衆入援以陸奥出羽回服咸令莫一人

之圖後也請今因民心未變遣一皇子建號明

令懲逆獎順畧定之功何患不濟臣按地圖陸

奥五十四郡殆當日本之半可得兵四五十許

萬臣願華首戴帛祗奉皇子發郡民而攻京師

不出一年會稽之耻可雪矣朝議可之勅又奉

義良親王與准大臣源親房親房批元弘日記裏書及異本太平

記源顯信俱適陸奥諸軍度敵梗陸路悉會伊

執發舟大湊異本太平記作鳥羽津至天龍灘遇颶風起

船艦四散宗廣舩漂七日抵安野津異本太平記作吹上

村候風十餘日嬰病頻死有僧來問曰死迫矣

唯唱佛名莫有他也儻有所遺囑傳諸貴息宗

廣目將瞑聞之挺起而笑曰我生七十百事完

足莫復遺念但不得滅賊而就死地下多生曠

劫是之為恨煩以我言傳賤子親朝詔勿以供

佛施僧為勿以称名讀經為速斬賊首懸之墓

前言訖拔刀逆持切齒而卒太平記家譜子親朝親

光

親光稱九郎太平記或為七郎誤也為檢非違使任左衛

門尉家譜太平記元弘之役以北條高時命從大佛

高直攻赤坂城破之太平記光明寺藏書殘編仍往居六波

羅拒官軍親光素驍悍善戰加部兵精強戰之

勝敗固繫其去就也而親光自知逆順異勢俄

出至山崎就赤松則村歸義帝倚愛之恩遇甚

渥記太平稍參預政務論梅松後從足利尊氏討北

條時行記太平及尊氏及犯京師親光從服屋義

助拒之於勢多論梅松王師遂敗績乘輿出幸延

曆寺親光意欲刺尊氏獨留居京師憑僧伴乞

降尊氏怪之遣大友貞載出察其狀遇之於途

貞載率然謂之曰將軍審卿送欵使僕來受降

當解甲伏如法也親光知其見疑輒拔刀斫之

貞載即墜馬死其下三百餘人圍擊甚急親光

及衆十六人與之交刺而斃時人甚嗟惜焉平太

記梅異本太平記曰始箱根之戰大友貞載降

于足利尊氏及射官軍因大敗帝惡之甚於尊

氏至駕幸延曆寺又追謁帝請曰親光因謀刺

貞載梅松論曰親光追謁帝請曰親光若官軍討

鎌倉當一戰勦賊耳而大友貞載於途翻兵還

不得濟切致使陛下至此極臣深惡之願今還

留降之刺以親光還入遇貞載於東寺輒就乞降

憤然而去親光還入遇貞載於東寺輒就乞降


貞載許之約曰往近將軍營解當脫甲如法也

親光諾之相率而進乃行爲脫刀欲授之狀貞

載就將持之餘人負載傷重亦踰日而斃今從

族同死者十餘人負載傷重亦踰日而斃今從

太平親朝自有傳



大日本史卷一百七十終

大日本史卷一百七十終



九州
歴史

卷之二百七十一

文曰本史卷之二百七十一
[Vertical columns of text in kuzushiji script, mostly illegible due to fading and bleed-through]

